

Gleði - og forvarnardagur

Miðvikudaginn 1. febrúar var haldinn hinn árlegi gleði - og forvarnardagur. Kennt var fyrsta tímann og að honum loknum var fjölbreytt dagskrá til hádegis þar sem nemendum gafst kostur á að velja sér viðburði til að sækja. Meðal annars var fjöltefli nemenda við kennara skólans. Fyrirlestrar um sorgina, kynlíf, listaverk,



fótbolta, heimsferðir og skiptinám. Þá var kennsla í förðun og sjálfsvörn. Dagurinn heppnaðist vel og nemendur jafnt sem starfsfólk skólans áhugasamt um þá viðburði sem í boði voru.

Nemendur á 1. ári velja námslínu innan brautar

Námsráðgjafar skólans hafa síðustu daga heimsótt nemendur á 1. ári og kynnt fyrir þeim þær námslínur sem í boði eru innan brautanna. Um er að ræða tvær línur á hverri braut. Nemendur á náttúrufræðibraut velja á milli eðlisfræðilínu og líffræðilínu. Nemendur á viðskiptabraut velja á milli hagfræðilínu og viðskiptalínu. Alþjóðabrautin hefur val á milli félagsvísinda og alþjóðasamskipta og þá hefur nýsköpunar- og listabrautin val á milli sviðslista og sjónlista.

Allar upplýsingar um línurnar er hægt að finna á heimasíðu skólans undir Námið/ námsframboð 3 ára nám. Það er gott að opna pdf skjalið fyrir viðkomandi braut til að sjá þá muninn á línunum. Þá er hægt að fá nánari upplýsingar með því að fara inn á tengilinn á namskra.is.

Nemendur þurfa að velja fyrir hádegi, fimmtudaginn 23. febrúar.

Nemendamótssýning Verzlunarskólans



Fimmtudaginn 2. febrúar var haldið uppá 85. Nemendamót Verzlunarskóla Íslands. Eins og venja er þá setti nemendamótsnefnd upp glæsilega sýningu. Í ár var það Fútlús sem er söngleikur byggður á kvikmyndinni Footloose. Sýningin er öll hin glæsilegasta og undirstrikar enn og aftur hversu hæfileikaríka nemendur skólinn hefur fram að tefla. Fútlús er sýnt í Austurbæ og hægt er nálgast miða á midi.is

Mætingar nemenda

Annan hvern mánudag fá nemendur og forráðamenn nemenda undir 18 ára aldri sent yfirlit yfir mætingar. Skólinn vill ítreka það að ekki er gefið leyfi frá skóla vegna ferða erlendis. **Þá lítur skólinn það mjög alvarlegum augum ef nemendur hringja sig inn veika en eru staddir erlendis.** Slíkt getur leitt til brottvísunar úr skóla. Skólareglur skólans eru skýrar hvað varðar skólasókn. Skólareglur er hægt að finna á heimasíðu skólans.

Námsmatsdagur

Dagana 1. og 2. mars verða svokallaðir námsmatsdagur í skólanum. Dagarnir eru hugsaðir sem vinnudagur nemenda og kennara. Hver bekkur fær sína dagskrá og verða verkefni fjölbreytt. Prófað verður í einstökum greinum, hópverkefni lögð fyrir, verklegir tímar í raungreinum, íþróttaganga, heimsóknir í fyrirtæki og háskóla svo eitthvað sé nefnt. Misjafnt er hversu þétt taflan er hjá hverjum bekk og eru nemendur hvattir til að nýta dagana vel til náms.

Ný stundatafla

Ný stundatafla tekur gildi fyrir alla bekki að loknum námsmatsdögum. Ekki eru breytingar á áföngum eða kennurum heldur er einungis verið að stokka upp tímaröðun hjá hverjum bekk fyrir sig.

Valgreinar

Nemendur á 2. ári fá kynningu á valgreinum á næstu dögum. Hver nemandi skal velja 4 valgreinar fyrir lokaár sitt. Hver lína hefur úr ákveðnum valgreinum að velja sem dýpka hæfni nemenda. Þá fá nemendur einnig tækifæri til að velja sér greinar þvert á brautir. Nemendur þurfa að kynna sér hvaða svigrúm er innan hversrar brautar og línu fyrir valgreinar á þrepum. Námsráðgjafar skólans verða nemendum innan handar um valið.

Óboðnir gestir

Nemendur eru hvattir til að passa vel uppá eigin sínar og ekki skilja tölvur eða dýrar úlpur eftir án eftirlits. Þrátt fyrir að skólinn sé vaktaður með myndavélum þá dugur það ekki alltaf til að upplýsa málin. Nemendur hafa kost á að leigja læsta skápa fyrir eigin sínar.

Fjarnám

Fjarnámið er komið á fullt og vika 4 að hefjast. Skólinn hvetur þá nemendur sem eru í fjarnáms- áföngum samhliða dagskólanum að sinna náminu jafnt og þétt því þá verður róðurinn auðveldari í vor